

La piazza da la posta survegn in nov accent artistic

La BCG surdat l'«Orbiter» da Robert Indermaur sco emprest a la citad da Cuira

Cuira, ils 3 da matg 2018 – Oz ha già lieu sin la piazza da la posta la surdada da l'ovra «Orbiter» da Robert Indermaur a la citad da Cuira. La Banca Chantunala Grischuna (BCG) ha cumprà la sculptura questa primavaira ed surdà ella sco emprest a la citad ed a la publicitad.

La sculptura da Robert Indermaur caracterisescha en l'avvegnir il maletg da la piazza da la posta a Cuira. En preschientscha da represchentants dal cussegl da la citad da Cuira, da la BCG e da l'artist è la statua vegnida surdada a la publicitad. «Dapi var 50 onns sustegnain nus l'art en il Grischun en il rom da noss engaschament», di Alois Vinzens, CEO da la BCG. El haja perquai ordvart plaschair d'avair in'ovra d'art sco quella davant la sedia principala da la banca.

La banca posseda oz in'atgna collecziun da sculpturas, fotos e maletgs d'artistas e d'artists renumads dal Grischun. Ina part è accessibla a la sedia principala a Cuira, en las filialas regiunalas u sin gkb.ch/kunstsammlung. «Cun quest emprest or da nossa collecziun rendain nus accessibla l'ovra d'in artist impurtant da Cuira ad in public pli vast», declera Alois Vinzens l'intenziun da la banca. «Il cussegl da la citad ha perquai già grond plaschair da quest gest da la BCG. «Tant pli ch'i sa tracta d'ina ovra dad in artist che ha influenzà essenzialmain l'art pitschen e la scena culturala da Cuira», di il cusseglier da la citad Tom Leibundgut.

L'«Orbiter» da Robert Indermaur intermediatescha in tschert messadi: guardar il mund e turnar cun experientschas per pudair cumparegliar. Per survegnir la tschertezza che quest lieu è in bun lieu. Ch'igl è bun da viver qua e da surpigliar responsabladad conscients ch'il mund è adina averts a nus e che nus essan adina averts al mund. «Il fatg che mia figura stat ussa sin la piazza da la posta a Cuira, in lieu impurtant che regorda mai a mia giuventetgna, ha per mai ina valur speziala», constatescha l'artist a la fin.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per personas privatas, l'economia ed il maun public. La banca occupa 985 collavuraturas e collavurats (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in gudogn dal concern da CHF 180,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	5 da matg 2018
Rendaquint semestral 2018:	26 da fanadur 2018
Quint annual 2018:	8 da favrer 2019